



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann C 25.09.2022 - 02.10.2022 - 26. domënia ia por l'ann n. 44

Le püre Lazaro aldedaincö

📖 Am 6, 1a.4–7 | 1 Tim 6, 11–16 | Lc 16, 19–31

Dal Vangele do San Lüca:

Te chël tēmp à Gejù dit: ¹⁹Al ê n iade n ël rich, che se vistî de purpur y lin fin y viô da dé a dé, s'la godon y s'la don bona. ²⁰Mo dan la porta dl ricun êl ponü n püre ël, che â inom Làzarus, dal corp plēgn de plaies. ²¹Al s'ess ion parè la fan cun cí che tomâ jö de mësa dl ricun. Cínamai i cíans gnô a ti liché sües plaies. ²²Do che le püre ê mort, él gnü portè dai agnui tl gremo de Àbraham. Ince le rich é mort y é gnü sopoli. ²³Tl somonn olach'al gnô tormentè da n gran dolor, àl cíarè sö y odô dalunc Àbraham, y Làzarus te so gremo. ²⁴Dailò àl scraié: Pere Àbraham, mēnete piçe de mé, y ortiëia Làzarus jö da mè; al dess almanco tocé la piza de so dëit t'ega y me renfreschè la lēnga, deache chësc fūch me tichinëia. ²⁵Àbraham ti à respognü: Mi môt, pēnsa do, che t'as bele tratan tūa vita ciafè tūa pert de bëgn, Làzarus indere mâ de stlet. Sēgn vëgnel consolè por chël, tō indere mësses patì. ²⁶Implü él danter nos y os n fossè dër sot che ne se lascia nia passè ia, tan che degügn ne sciafia da rové da chilò ia da os, no da dailò ca da nos, gnanca sc'an oress. ²⁷Spo à dit le ricun: Porchël te prëii, pere, ortiëiele tla cíasa de mi pere! ²⁸Deach'i à cíamò cin' fredesc. Al dess i amonì, ch'ai ne röies nia ince ëi te chësc post de tortöra. ²⁹Mo Àbraham ti à dit: Ai à Mosè y i profec, ai dess ascutè chi. ³⁰Al à respognü: Nou, pere Àbraham, mâ sce un di moré röia ia da d'ëi, se convertiarài. ³¹Sön chëra à Àbraham dit: Sc'ai n'ascuta nia Mosè y i profec, ne se lasciarài gnanca mazè ite de crëie, sce un ressorësc dai moré.



Oraziun dl de

Gran Idî, tō manifestëies tūa potēnza dantadöt tl pordenè y tl sconè: tôlesse sö te tūa grazia ince sc'i sun cíarià de colpa, dëidesse arjunje le travert de nosc tru y rové tla gloria dl cil.

📖 Letöres dla 27. domënia ia por l'ann:

Aba 1, 2–3; 2, 2–4 | 2 Tim 1, 6–8.13–14 | Lc 17, 5–10

Edema liturgica dai 25.09. ai 02.10.2022

| 2022 | Ora | Mëssa/funziun |
|---|-------------|--|
| 26. domënia ia por l'ann 25.09.2022 <i>de mondial dai migranc y profugs</i> | 8.15 | Funziun dla domënia <i>6.30 s.M. a Al Plan</i> <i>8.15 s.M. a Rina</i> <i>10.00 s.M. a La Pli</i> |
| LÖNESC - 26.09.2022 <i>Cosmas y Damian</i> | | <i>19.30 s.M. a La Plí</i> |
| MERTESC - 27.09.2022 <i>Vinzenz de Paul</i> | 7.30 | S. Mëssa di scolari aniversar + Katharina Vantsch + Rosalia Agreiter ad intenziun |
| MERCUI - 28.09.2022 | | |
| JÖBIA - 29.09.2022 <i>Sanc Arcangeli Michiel, Gabriel y Rafael</i> | | <i>7.30 s.M. a Rina</i> |
| VËNDRES - 30.09.2022 | | <i>7.30 s.M. a Al Plan</i> |
| SABEDA - 01.10.2022 <i>Tarejia dl Bambin Gejú (da Lisieux)</i> | | <i>7.30 s.M. a La Plí</i> <i>18.00 s.M prefestiva Al Plan</i> |
| 27. domënia ia por l'ann - 02.10.2022 SEGRA DL ROSARE | 8.15 | Gran Mëssa por la comunité fam. Curt de sura, reingraziamënt ++ dla Curt de sura ad onur de S. Antone ++ Giovanni y Maria Trebo ++ Vijo y Rosalia Agreiter <i>9.00 s.M. a La Plí</i> <i>10.00 s.M. a Al Plan</i> <i>14.00 Öspi a La Pli</i> |

Mësses a San Martin:

Dom 9.30 Dedol 19.00 Jöb 7.30 Sab 20.00 Dom 9.30



Informaziuns y terminns

COMUN: Incö domënia, ai 25 de setëmber, éi da jí a lité dales 7.00 ales 23.00.

Dai 24 de setëmber ai 29 d'otober vëgnel indô metü sö ti paisc da San Martin, Lungiarü y Antermëia les **bënes da sciuré i ciüf**; al vëgn racomané da sciuré ite tles bënes ma i ciüf, nia ince lades, fassli, bossi, peres y d'ater.

L'uniun dl sport Antermëia organisëia n **curs de yoga cun Gabriel** por endöt 6 iadi de jöbia. La pröma incuntada sará ai 29.09.22 dales 18.45 te palestra dla scora elementara Antermëia. Iscriziuns: Tel. 3475877635.

La **Uniun di Èi** inviëia düc i èi y i jogn da gní ala **prozesciun cun linternes** en vëndres, ai 30 de setëmber, dales 19.30 **dala dljia de Badia sö Oies**.

En vëndres, ai 30 de setëmber, vëgnel tigní dales 14.30 ales 16.00 sö Oies na **introduziun al „Bibliolog“** por todësch. An tol la Sacra Scritöra ite tla vita te na manira via y interessanta. Prëibel prenotesse cina ai 29 de setëmber por e-mail info@freinademetz.it o por telefon 0471 839 635 (Br. Michael Ertl)

Le Consëi dles Ploanies inviëia ala **incuntada por conduturies y conduturs de zelebrazions dla parora** cun le responsabl dla liturgia dla diozeja Stefan Huber la jöbia, ai 6 d'otober, dales 19.00, tl pice salf dl Istitut Ladin a San Martin.

En **sabeda, ai 1. d'otober** vëgnel festejé le **de di seniors**. Ince la **Ciasa de Palsa** da S. Martin ó se recordé chësc de cun na picia festa adöm ai berbesc, ales mëdes y a sü familiars. I inviun porchël düc les 15:00 ala S. Mëssa y dedô a sté adüm cun aurela cörta, n café y val de duc. Por rové te Ciasa de Palsa val debojëgn dal Green Pass renforzé (booster o test negativ fat t'apoteca) y dal mascherot FFP2.

Les **infermieres dl Raiun Sanitar Val Badia** mët a jí n **curs de Ultimo Aiüt**, olach'an impara da socodí y da ti sté dlungia tla dërta manira a porsones che é tl morí.

Le curs vëgn tigni anter 2 iadi:

A Badia, tla Ciasa J.B. Runcher, ai 22.10.2022, dales 08:00 ales 12:00. Prëibel s'anunzié damperfora cina ai 21.10.2022, cherdan sö le numer de telefon 0474/586155, dales 08:00 ales 09:30

A San Martin, tl Istitut Ladin Micurá de Rù, ai 19.11.2022, dales 08:00 ales 12.00. Prëibel s'anunzié damperfora cina ai 18.11.2022, cherdan sö le numer de telefon 0474/586128, dales 08:00 ales 09:30

SANITÉ: La doturia Grete Mahlknecht é demez dai 5 ai 7 d'otober y vëgn sostituida dal dotur Eduard Agreiter (0474 523 315 / 333 13 80 852)



Te dōta la bibia vëgnel tres indo fora tler che ara ne se trata nia ma de aldí la parora de Di, mo dandadöt di fac.



Ai 29 de setëmber festejëia la dlijia Michil; dal 1970 inca ince Raphael y Gabriel. Raphael incuntunse tl vedl testament tl liber Tobit sciöche acompagnadú de Tobias, a chël che al ti procurëia na medejina por so pere Tobit diventé verc. Rapresenté vëgn Raphael gonot cun n bastun da pelegrin. Raphael vëgn araté le patron di doturs y apotecheri, de chi che è söl iade y di pelegrins. L'angel Gabriel incuntunse ince bele tl vedl testamënt (liber Daniel). Plü conesciü él sciöche angel, che ti inciünda a Zacarias la nasciöda de Jan Batista y a Maria la nasciöda de Gejú. Gabriel è danter ater patron dla posta y dla telecomunicaziun y vëgn gonot rapresenté cun n gile sciöche sëgn dl'inozënza.

| | | |
|--|------------|------------------------------------|
| | 27.09.2022 | Raphael R. - Marie |
| | 02.10.2022 | Alexia - Denise - Joel U. - Thomas |
| | 02.10.2022 | Carlo Piazza |

Impressum:

Comunicaziuns:

Download:

Ploania Antermëia - redaziun Carlo Piazza

cina la jöbia sëra a carlo.piazza@hotmail.com | 0474 520044 o 3803520465

www.unitepastorala.org | www.comun.sanmartindetor.bz.it